

退一步齋詩集

卷



退一步齋詩集目錄

卷六

嶺西公餘集三 辛未壬申 存五十九首

題俞荔塘封翁 禮 藤槐連理圖

何地山學使按試端州以詩見贈奉答四十韻

蕭星農明府 文輝 尊甫達甫封翁七十雙壽詩

子箴兄在揚州用題襟集中劉芙初寄曾賓谷詩

韻再題聯牀話雨圖索和依韻賦四律奉答

附錄瑞南星同年 瑞昌 和詩

退一步齋詩集目錄

一

出峽

憩庵

山行

半山亭

利燦庭協戎 輝 贈白鵬一雙戲作白鵬歌報謝

峯字硯歌 并序

沈輔之以詩集見示漫題一律

生日鎖扉謝客得二詩柬瑞南星太守余蓉初司

馬



題孫稼亭同年紀遊詩草

端陽日李恢垣同年周翹軒孝廉暨子姪輩寶月

臺小集卽席漫賦

題孫稼亭明府同年天女散花行看子

題彭南屏太守磊園詩思圖

廣州雜感

讀唐書隱逸傳偶作

衙齋漫興

蘇廣堂河帥爲予書楹帖屏幅賦詩報謝

退一步齋詩集目錄

二

長樂初將軍招同崇受之權使果杏岑都護齊仲

炎文樹臣兩觀察崇蘭溪太守小飲壺園次日

用杜公遊何將軍山林十首詩韻奉呈卽事言

懷少陵多寫園景予則半紆胸臆也

前詩脫稟後追念往事尙有未能盡意者更闌燭

燠餘感迭增再步少陵重過何氏五首韻呈將

軍兼示同席諸公

卷七

嶺西公餘集四

癸酉

存六十七首

靈芝杖和蘇廣堂河帥韻

附錄原詩

和廣翁讀陳白沙集示同學詩原韻

附錄原詩

遊息園和廣翁韻

附錄原詩

靜照亭和廣翁韻

附錄原詩

止怒箴和廣翁韻

退一步齋詩集目錄

三

附錄原詩

和廣翁移居書懷寄羅椒生尚書詩原韻

附錄原詩

和廣翁癸酉元日醉吟原韻

附錄原詩

和廣翁人日立春原韻

附錄原詩

文樹臣觀察遊鼎湖山用隨園詩韻成七古一章

屬和

崇受之權使禮編其令兄輔心員外崇祿養志書

屋遺詩屬題

姚朶雲明府屬題其尊甫覺凡老人恭訓畫冊

端陽書感

濟莘四姪攜新婦自桂林來小住兩朝赴羊城航

海北上鄉試詩以送之

題襟館唱和集刊成讀蓮舟道源蓮溪真然兩和

尚詩覺蔬筍之氣頗勝芻豢作一詩乞子箴兄

轉示兩蓮師予於兩蓮實未謀面留爲他日握

退一步齋詩集目錄

四

手緣也

前詩成後再賦一絕贈之

喜聞夏伯音通政同年典試粵東賦詩奉賀并寄

長樂初將軍黎召民觀察

到羊城聞兩主試度嶺有期再賦二截句

和劉樹君同年監試秋闈卽事原韻

和周鼎卿主試闈中述懷原韻

和周鼎卿八月十三夜閱卷用東坡試院煎茶成

長句奉呈闈中諸君原韻

讀鼎卿同年和稼亭庚午闈中感懷詩卽次原韻

贈稼亭

伯音通政小極詩以訊之

催詩歌 有序

樹君用東坡監試呈諸試官韻贈伯音通政屬予

同作兼呈鼎卿檢討

在京師時夏伯音同年以俟青甫先生 雲松所繪

蘭花扇子見贈匪匣中數年矣今歲癸酉伯音

來典粵東鄉試溶師適奉檄再充提調舊雨重

退一步齋詩集目錄

五

逢歡喜無極爰裝潢成軸題詩四章攜赴闈內

乞諸君雅什亦他日一段翰墨緣也

古劍行爲高要梁鉦卿 錦珙作

秋夜書懷

題新羅山人嬰戲圖

文樹臣觀察屬題所藏宋曹武惠王刀久未報命

闈中公暇成長律三十韻

伯音通政放榜後作述懷詩索和卽步原韻兼以

送別

秋闈紀事聯句一百韻

楊掌生學正客死連州屢欲奉輓搦管輒不能成
韻子箴兄自揚州寄詩哭之錄以見示語意眞
摯展讀令人淒惋昔李誠之歿二蘇并有輓詞
爰步子箴兄原韻得詩二首掌生有靈當亦知
吾兄弟交誼之篤也
黃異三暨其德配劉孺人五十晉一雙壽詰嗣孝
王廉成采索詩

哭吳霍山侍郎用山谷老人司馬文正公輓詞四

退一步齋詩集目錄

六

首原韻

王補帆中丞寄示癸酉監臨閩闈卽事四律索和
依韻奉答兼以書懷

孫稼亭同年咸豐乙卯作宰陽城出都時同人爲

作燕臺錄別圖題詠殆徧同治癸酉稼亭權篆

新興出圖見示屬予補題留之案頭久未報命

甲戌新正八日有羊城之行在貝水舟中得二

律不勝撫今追昔之感云

退一步齋詩集卷六

定遠方濬師子巖著

陽湖呂景端

編校

嶺西公餘集三

辛未壬申

存五十九首

題俞荔塘封翁藤槐連理圖

獨秀通枝瑞氣攢

槐獨秀而通枝
楊侃皇纒賦

午陰深處任盤桓好

將百歲青葱色當作珊瑚玉樹看

記伴仙郎橐筆時

謂松屏
中翰

鳳皇池上共吟詩紫薇花正

垂垂發更請先生續一枝

何地山學使按試端州以詩見贈奉答四十韻

退一步齋詩集卷六

一

異地聯詩友同心叶易交春光三月莫鄉思一時拋憶
 我辭京輦當君返旆旂相留傾酒盞惜別指鞭鞘宦轍
 分中外郵程歷嶂嶮離亭看北斗度嶺到南交問訊魚
 雙尾聲華鳳九苞亨衢舒驥足中禁望螭坳 綸綍青
 錢選珊瑚碧海勺官移端尹貴名恥越人諺星使乘輅
 至風謠握管彙取材皆械樸拔萃去芄蒼衡鑑宗師秉
 雕搜郢匠鉤夜香焚意可天廡下蒲捎令譽推何武高
 文比庾庖光風遍章貢化雨記函嶠君會典試西
秦督學江右獨抱
 冰壺潔生憎玉石淆清標期勉勉舊事話膠膠故里驚



兵燹連營動鼓鏡長安方索米困頓類懸匏之子依牀

褥指君養惟余愧斗筭無家啼鶻鳩當戶網蠨蛸愁竟

添千斛憂難解半廔八年中允滯君有八年中允印章十載舍人

凋子官中書最久芸館肩曾接柴門手任敲分金貧許救讓屋

券憑抄持節歌芹藻簪臺奮草茅瀛孺心膺寄酋帥齒

牙聲誰識宗臣策居然大敵讜蝨官勞筆舌豚性豈吾

胞目極神仙侶胸慚俗冗摻不圖攜瓦缶仍復和笙篴

臺省休稱矣鹽梅且放教深情桃報李雅誼漆投膠漢

仰萱花茂園饒竹筍培樓剛修寶月候早起炎颶濠濮

退一步齋詩集卷六

一一

思莊惠雲龍擬愈郊籀書成吏隱樽俎辦家庖時以家鄉蔬菜

奉餉勝境遲遊展遊七星巖未果溫天換薄袍重逢還有約指點

荔枝梢

蕭星農明府文輝尊甫達甫封翁七十雙壽詩

星農明府貽錦魚中有尺素殷勤書堂上老親政七十

就養喜奉安仁輿遍徵詩章當祝嘏笑我腹笥徒空虛

拈毫伸紙不肯下恐以瓦礫淆瑛琚聊獻芻言屏膚藻

但期相勸毋相諛君之尊翁閩名士弱冠庠序騰聲譽

低頭矮屋戰文藝罷疑屢對秋風吁一十五科命不達

張網誰得青珊瑚灌園晦迹了無悔桂香攀折多高徒
天令才人竟坎壈此意轉覺蒼蒼疏不昌其身昌厥子
堦簾迭奏宮商數仲也釋褐登進士花封再領親心娛
以有用學廣治譜賢宰所稟皆翁儲三灌五嶺歌樂只
椿萱愛日龐眉舒龐眉舉案更歡喜看舞萊綵雙鳩扶
天倫之樂世有幾家慶一幅應題圖惟月在辰歲在未
玉簫金管羅庭除春光百五正明豔願翁耄耄期頤符
作詩愧非李華匹微名敢與功曹俱請分壽筵一杯酒
提壺還乞君家奴

退一步齋詩集卷六

三

子箴兄在揚州用題襟集中劉芙初寄曾賓谷詩
韻再題聯牀話雨圖索和依韻賦四律奉答

一樽乞取酒泉流醉倚匡牀樂未休好對星巖開北戶
敢誇風采映南州雪泥爪印飛鴻跡煙月心情白獺秋
擬改香山居士句翻因官繫得重游

心似平川水不波連宵風雨又經過紫荆庭院懷人久
青草池塘得句多往日都盧聯骨肉他時歡樂付琴歌

披圖朗誦思歸引合向浮槎問隱阿

子家有田在廬州
兄擬卜居於此

不逐人間第二流築亭底用畧休休無營且自傾三雅

有命何勞望八州官比僧閒還結夏夢回詩思入深秋
憑誰解識平生語應買黃金鑄少游

太液清池漾細波霏霏香雨記頻過榻來嶺海應官候

猶戀爐煙拂袖多著手集成書畫譜兄近編錄所藏書畫賞心人

羨棣棠歌枕邊尙有芙蓉劍拂拭何當訪越阿

附錄瑞南星同年瑞昌和詩

子嚴觀察年大人出示聯牀話雨圖長卷並以哲兄

箴翁方伯原唱及大作屬和依韻奉題卽以寄呈揚

州

退一步齋詩集卷六

四

端江八月水交流夜雨排檐曉未休近喜坡翁來粵

嶠還思何遜領揚州西堂得句詩同調南國看花色

不秋珠海從今傳韻事元方游後季方游

宦遊笑我似迴波瘴海茫茫去又過客裏光陰霜信

早酒邊圖畫故人多韶山端水傳輿誦粵雅吳猷編

詠歌如此壘篋堪健羨聯吟高唱入雲阿

繡衣使者本名流老去耽吟不肯休曾記風帆維嶺

海遙從雪夜識荊州癸亥冬予之官嶺南詔是日微雪蒙箴翁

留飲獎勉交殷騷壇拔幟推名將箴翁吟詠最富二知行軒詩鈔久已刊行海內

館留書感客秋

子去歲到粵奉公九月手札

我欲追陪偏恨晚遲

公未共頂湖游

箴翁去秋徧遊頂湖諸勝惜子到遲未及隨往

蜀岡煙景曲池波想見旌麾取次過永叔留題傳世

久薛奎轉運便民多花分棠棣仍連蔭地有湖山好

放歌更喜穎濱開勝境軒窗新敞對巖阿

子嚴觀察今春重

修端州寶月臺開汎慧軒星巖全景一覽無遺

出峽

乘流搖小槩冒雨揖諸峯行聽江潮湧坐看雲樹重
偶然遊興發卻比宦情濃回指龍華寺風聲答梵鐘

退一步齋詩集卷六

五

憩庵

才進一重境能令百慮休山光排戶入雨勢挾江流勝
地暮塵靜叅天樹木稠老僧偏解事催我頂湖游

山行

樹多忘路險氣靜屈秋分扶僕當仄筇杖隨人踏蘚紋
冷煙和雨墜清磬隔溪聞便欲參禪悅心安無俗氣

半山亭

四圍蒼翠裏歇足望飛泉巖壑留餘地煙雲別有天風
來秋瑟瑟雨過水涓涓一幅真圖畫何因仿巨然

利燦庭協戎輝贈白鷗一雙戲作白鷗歌報謝

將軍知我好閑適喚取雲中兩閑客殷勤持贈意良厚
黃山胡公逢李白兒童歡喜奚奴忙見之寶若瓊瑤雙
牽藤架屋竹作砦調馴野性餐秬梁籬菊未殘桂含萼
開樽手啟芙蓉幕且共幽窗五夜鷄不羨乘軒九臯鶴
梳翎刷羽冰雪容滿地綠蔭參天榕高枝雖好莫依倚
隨人飲啄聲囉囉平生獨具耿介性塵俗芟除心不競
若將此鳥比襟期一片清光對明鏡鷗兮鷗兮知也無
紀官章服會汝摹何須步武鸚鵡裏似汝頭銜便大夫

退一步齋詩集卷六

六

峯字硯歌

硯長一尺四寸有奇中寬七寸餘上銳下豐如
峯字形端州西洞第三層眞品所謂質細膩而
溫軟色融和而光潤蕉白青花冰紋魚腦無不
備者名之曰峯字硯作詩紀之

蟾蜍吸月蘊精魄偷下矜江化成石質如蒼玉形如峯
不加雕琢眞天工臥波浴浪消魄磊凝結千年墨龍髓
墨龍盤屈睡未醒衝破紫雲割左耳割來一片清光寒
袖中不覺東海寬平時謬說砒砒美對此便欲輕琅玕

我聞西巖石價重再下無底水歸洞一線開通洞底天
天容水態相鴻洞取材直到水盡頭斧斤聲訝殷雷闕
洗濯還疑碧蘚滋選求恰似青錢中蕉葉摩挲宿雨晴
冰花指點凍紋生漆光四面別纖細火捺兩旁分重輕
晨星明滅朝旭耿玫瑰視出胭脂瀋置身卻在第三層
題名當是無雙品精華發洩非等閒買歸且破慳囊慳
匣以文梓慎藏弄裏之古錦紛斑爛笑我視池荒廢久
毛錐秃盡空搔首風塵一墮心力殫簿領勞勞嗟墨守
回憶薇廳視草時曾拈青鏤伴紅絲文章揮灑神彌王

退一步齋詩集卷六

七

體質堅貞涅不緇未能將汝玉堂獻聊歌得寶金樽勸
使君心事誰與知識字耕田本素願拂拭休教染俗埃
招邀詩友話崧臺他年好把歸裝整一葉扁舟載石回
沈輔之以詩集見示漫題一律

吏能龔渤海經學鄭康成餘事饒風雅閒吟見性情胸
懷蔬笋氣心境水雲清我亦吹竽者空慚北郭生

生日鎖扉謝客得二詩柬瑞南星太守余蓉初司

馬

不覺堂堂歲月馳鏡中怕見鬢如絲一官況味同雞肋

十載清華愧鳳池涉世無心容我拙耽書有癖倩誰醫
願將家釀延齡酒化作甘霖萬頃滋

時方祈雨

風吹花信又三春簿領消閒自在身攜子循陔娛壽母
呼奴閉閣謝嘉賓騷人敢詔庚寅降

庚寅子生於寅

詩豪聊添

甲子新且喜龔黃雙太守政聲傳遍嶺西民

題孫稼亭同年紀遊詩草

蒲帆獵獵朔風吹遣興吟成一卷詩好向燈前頻展誦
水仙香到月明時

盧駱王楊各擅名江河萬古自澄清請君莫效隨園體

退一步齋詩集卷六

八

要使前賢畏後生

君有效隨園體詩故戲及之

端陽日李恢垣同年周翹軒孝廉暨子姪輩寶月

臺小集卽席漫賦

端州三度過端陽有約高臺共舉觴到此頓教雙眼豁
坐來眞愧一官忙山當缺處雲偏補荷未開時葉亦香
難得李侯騷雅主儘收風月入詩囊

荒殘舊址喜重新爲避炎歊過往頻天遣峯巒排左右
地栽花竹助精神碧筒催客添杯酒綠水撩人憶澗菹
老衲莫愁香積冷使君原不厭清貧

題孫稼亭明府同年天女散花行看子

談空喜說佛迦葉拈取仙葩開笑靨那知香雨散續紛

九天元女乘嬌雲元女珮環妙妝束素手兜羅種文玉

畫工曾向道場來偷視丰容謝家夫人淡丰容描一幅

一幅圖成渲染新碧蓮金粟眞珠塵如來座中留半偈

宰官可是前生身三千世界悟彈指我亦菩提大弟子

意果常存八識田結習難忘愧青紫紆青拖紫榮寵膺

龍華勝會誇傳燈勞勞臺閣簪纓客碌碌蒲團粥飯僧

七寶琳琅在何許不鋤凡聖同居土佛說世間隨見有四種國土不同世

退一步齋詩集卷六

人所見瓦礫荆棘等謂之凡聖同居土羅漢貝爲七寶
琳琅謂之方便有餘土菩薩見爲淨妙五塵謂之寶報
莊嚴土諸佛見爲法身
秘藏謂之常寂光土別開香國示莊嚴金輪出世優
曇吐須曼曼重重眼望餘戲持貝葉學塗鴉河陽滿縣春
如海莫著袈裟且種花

題彭南屏太守磊園詩思圖

知君儒雅勝於官收取名園入畫看紅雨曉分三逕豔

綠雲濃裏萬竿寒遊蹤昔聽尙書履謂徐健庵先生詩律新登

上將壇我更披圖增感慨松風閣下憶憑闌松風閣爲君大父交

敬師相所居濬師直薇省時受公知
文敬久歸道山蓋不勝西州之感云

廣州禱感

五羊城郭勢巍峩抽得閒身策騎過山爲韓蘇增氣骨
天留花月助吟哦西京聲望書生占南國珍奇估客多
獨倚危樓豁心目萬重海水靜無波

其二

指點荒臺話越王摩挲銅漏感興亡老臣嶺嶠娛尊號
大地河山舊戰場七月西風餘草綠三更涼雨憶槐黃
指庚午
粵闈鬱林片石吾曾購留取歸時壓客裝

其三

退一步齋詩集卷六

十

頗聞寰海靖妖烽斥堠迢遙盡要衝水上旌旗爭炫耀
軍中裘帶卻從容斷無凡骨稱神駿可有雄才馭古龍
莫向虎頭山頂望秋風衰柳恨重重

其四

每將節操證平生便飲貪泉亦自清茉莉花開香雪滿
琵琶洲冷晚霞明珠繡玉匣嬰齊塚蟹雨蠻煙陸賈城
我是當年元協律杯羹分贈羨南烹

南海杜令製
豆腐極佳

其五

何當獨繭竟垂綸一片茫茫是要津滄海橫流無底止

雲雷占象見艱屯燕支北地誇顏色虎旅西園費選掄
合浦近來珠價長有人尙說此鄉貧

其六

永夜笙簫水一涯扁舟還指素馨斜美人歌舞均塵土
寶劍沈埋少莫邪竿木魚龍呈曼衍岑樓蜃蛤認繁華
可憐玉鏡臺前月直照胥江賣酒家

其七

招賢東閣似殷勤肯把光陰惜一分未必揚眉皆國士
本來此腹負將軍閭閻疾苦飢兒切幕府尊嚴上相勸
畢竟廣平心鐵石豐碑不愛貢諛文

其八

藥鑪拋卻意慵癡煉汞燒鉛閱歲時洞裏好尋蝴蝶夢
峯頭且唱鷓鴣詞官求句漏心猶俗驛近迴歧足早疲
輸與神鴉安飲啄隨人飛過鄭仙祠

其九

風雅炎荒大有人秋曹筆墨妙通神遊山喜伴黎民表
樹幟能降謝茂秦七子詞場忘結習千秋詩骨貴嶙峋
最嫌高坐談心性空著深衣與幅巾

其十

廿載無家事宦遊鞭絲帆影暫勾留不凌霄漢猜鷹隼
終願漁樵狎鷺鷗火齊荔枝聊買夏冰紋藤簟豈宜秋
使君雅愛端溪水一洗胸中萬斛愁

取日讀書隱逸傳偶作

肯談糟粕棄醕醪酒譜居然南董操絕勝漢陽趙元叔

不會長揖向官曹

王無功

絕俗無勞識姓名蕭蕭木葉蔽身輕降堦長史殊多事

竟累先生兩目瞪

米桃樵

退一步齋詩集卷六

十一

泉石煙霞性自如箕山眞箇愛吾廬卻教天子停車駕

榜額親題隱士居

田遊巖

不願封王願種田葛巾山屐儼神仙公卿袞袞長安市

幾輩能餘賣卜錢

武攸緒

知己誰如陸象先薦才安得李青蓮剡川一曲閒雲水

讓爾徜徉作地仙

賀季真

泛宅浮家逸興饒酒酣吹笛倚輕船如何阻住門前水

猶費官錢爲造橋

張志和

荷齋漫興

規外星辰別有天得持旌節媿年年不全聊復陳三瓦
耐辱何須直一錢判獄戒民爭鼠雀敦耕禱雨去螟螣
瓣香早下鄉人拜孝肅崇祠屢告虔
僕指人前百不如興來長日脫簪裾四時氣暖官偏冷
萬卷書多學尙疎新筍解苞風繞砌叢蕉刪葉月窺除
每當簿領蕭閒際雅願頭銜署散樗
長槐翠覆濃陰偶眄庭柯自在吟因樹作房藏孔雀
臨池展帖仿來禽挑燈焰起垂垂穗搗月寒催處處碓
莫怪老夫情緒嬾嶺雲出岫本無心

疊石編籬也覺勞呼僮掃逕刈蓬蒿碧雲秋鎖垂楊柳
絳雪冬開夾竹桃坐對江山成吏隱閒攜筆硯課兒曹
憂時更灑酬 恩淚卻爲蒼生首重搔

蘇唐堂河帥爲予書楹帖屏幅賦詩報謝

先生作書如作畫超脫眈眈別流派先生使筆如使刀
斂藏鋒刃吹毫毛太傅爲師右軍友囊括古今包衆有
軒昂字字紛龍蛇意之所造成一家長年黑盡硯池水
風日晴窗并清美殷勤首拜管城君摹遍蘭亭八千紙
竭來翰墨馳名譽寸箋尺楮珍瓊琚豈知此乃餘事耳

先生大者吾能書少年釋褐依上苑東馬巖徐世稱

罕再遷臺諫馳花驄抗疏彤廷聲侃侃故鄉徙倚柴

門關星巖羅列端溪環傳經絳帳繼鄭馬賜詩碧眼通

夷蠻西洋人汗得曾求楊某通名先生有詩紀之忽爾波濤動鯨窟豺豕縱

橫時出沒裂眚思清滄海塵雄心快領樓船卒頗牧何

當出禁中綸音褒美契宸衷空教執稍源懷老竟

賞和戎魏絳功維皇聖武甫登極側席求賢頌手

敕十載曾傾向日心九霄待展凌雲翼紫陌趨迎使者

驂采風太史來周南養民保息厥法六治河陳策爭傳

退一步齋詩集卷六

十四

三出山泉水清可沁底柱龍門肩鉅任巨浸秋消瓠子

隄安瀾春滿桃花汛北雁南鴻倏又催朝端深盼重

臣回紀勳早遍江河海樂志還吟歸去來歸來卜築城

西舍安恬老境甘如蔗小園賦擬庾蘭成魚長方塘花

覆榭花下臨書喜種蕉綠天滿院靜無囂那知鷺序鶴

行客慣把龍賓虎僕招我買硬黃向公乞公也忻然操

燕拂想見解衣槃礴時正心懸腕丰神逸分付家兒什

襲藏莫誇寶玉多此鄉好借西洞峯字石予藏有端溪水歸洞峯字

視富我炎荒薄宦囊宦囊如此公休笑毛錐無用旁人

誦

長樂初將軍招同崇受之權使果杏岑都護齊仲
炎文樹臣兩觀察崇蘭溪太守小飲壺園次日
用杜公遊何將軍山林十首詩韻奉呈卽事言
懷少陵多寫園景予則半紓胸臆也

作宦七千里懷人廿四橋

是日寄子箴
家兄揚州書

春光宜對酒樹

影欲干霄棨戟軍門肅琴樽揖客招坐中今舊雨頗覺
俗塵遙

山氣分陰霽泉聲辨濁清築亭題放鶴倚樹語流鶯城

退一步齋詩集卷六

十五

市堪中隱詩書味太羹醉來捐禮數且續短歌行
不負炎荒住年年啖荔支伴他鸚武蓋忘我鳳皇池肉
食原無相心情只獨知冰壺期皎潔肝膽向公披
貧女當機織爭如錦上花良媒羞託雉吉夢但占蛇眉
黛時難合胭脂價本賒可憐越溪水終古說西家

正值春風暖良宵幕府開影移窗外月香送樹梢梅東

野雲龍契南天海鷁來

仲炎將航海赴
雷瓊道署任

高岑同在望珍

重附新苔

羨茗坊南日銅瓶響玉泉

帝京徒盼望僕恨倍纏緜

豪興消官鼓庸才媿俸錢聊將詩過日得句仿斜川

閉閣多閒暇親焚五夜香狼烽銷大漠公會為山燕飲

問高涼樹臣去年權高廉道篆絕塞馳驅久名山著作藏壯心殊

未已莫惜鬢毛蒼

多病鄉心切何因飲上池採山尋藥餌臨水憶罍離吳

郡東西屋平原大小兒有田歸亦得便擬號天隨

誰唱當筵曲微泥也憶雲網繆知己賦潦倒送窮文彩

筆江郎夢黃金鮑叔分寶刀如可借愁緒正披紛

畫圖摹顧陸佳客盡陰何瘦石牽雲立平臺得月多紅

退一步齋詩集卷六

十六

紗籠短燭青眼放高歌好認莓苔迹重教展齒過

前詩脫橐後追念往事尙有未能盡意者更闌燭

炮餘感迭增再步少陵重過何氏五首韻呈將

軍兼示同席諸公

贊普張狂際朝朝草尺書胸羅栖曜畧身宿遠公廬西辛

開幕府於嘉興寺如與公訂交傳檄風嘶馬嬰城鑰守魚至今江海上

陽鳥亦安居

憂患吾曾共交情久不移忠肝酬 聖主熱血是男兒

灑灑萬言牘汪汪千頃陂安危休忘去 卻猛虎尙窺籬

栢院論文日榆關出鎮時開樽傾別酒展卷和新詩自
擁三軍旆頻添兩鬢絲仔肩畧寄重籌策應 昌期
點綴園林景消閒春晝長一畦分菜甲七盃鬪茶槍偶
撥瓢爐火看炊石碓梁蕙棠花發否底用訪中皇
忝作巡方使端江過五年多公憐小草知我杜貪泉宋
玉宜城宅東坡陽羨田結鄰心果遂酬唱更忻然

退一步齋詩集卷六

十七

退一步齋詩集卷六終

退一步齋詩集卷七

定遠方濬師子巖著

陽湖呂景端編校

嶺西公餘集四

癸酉

存六十七首

靈芝杖和蘇廣堂河帥韻

商嶺傳來種提攜階可升一枝春在握多節竹爲朋定
力胸中有延年足下徵趨朝應更健莫漫寓公稱

附錄原詩

朶朶符著數奇鍾巽木升生材天使獨扶老我爲朋
昔自端溪得時蒙紫禁徵今隨林下履靈壽避榮稱

退一步齋詩集卷七

和賡翁讀陳白沙集示同學詩原韻

遠游尼山近遯翁文章政事本相通先生自有真經濟
不在區區講學中

附錄原詩

囊括羅浮起石翁青天萬古一心通息園清夢崧臺
上亦有衡山在眼中

遊息園和賡翁韻

老來風味蔗甘餘築就平泉託隱居千首詩章追二雅
一朝人望繼三魚樓臺高下都臨水梅鶴蕭閒伴著書

低語問公應莞爾神仙富貴有誰如

附錄原詩

頻婆閱世百年餘小築人稱玉局居自得生機多種
果誰知樂處共觀魚街西橋著蓬萊籍架上圖留宛
委書浮慕歡場無盡境蘭亭梓澤竟何如

靜照亭和賡翁韻

萋萋碧草各驚春靜裏方知物候新試上水心亭子望
綠波汀滢淨無塵

附錄原詩

退一步齋詩集卷七

一一

華夷一氣布陽春萬物含輝寓目新逸少忘情自
適爭先何事逐風塵

止怒箴和賡翁韻

何事能令心太平捐除煩惱便神清此中自信原空洞
不向人占悔吝生

附錄原詩

怒如炎火氣難平心是冰壺澈底清能忍一時人頌
佛塵勞少暇學無生

和賡翁移居書懷寄羅椒生尙書詩原韻

安閒底用賦春思力穡傳家豈我欺陶令分攜松菊候
葛洪檢點藥囊時南天二老通蘭臭西嶺連年飽荔枝
若念蒼生須早出當陽 聖主定心期

附錄原詩

廊廟山林百爾思不惟天監自難欺 君恩愧負懸
車日民望虛傳露冕時居近朝臺開北戶行看歸鳥
集南枝滋蘭樹蕙人何遠會訊方舟未有期

和廣翁癸酉元日醉吟原韻

復旦卿雲媿洽熙一樽柏酒獨傾時傳天鳳羽朝陽映

退一步齋詩集卷七

三

會見梧桐挺碧枝

附錄原詩

乾坤正定世重熙簫鼓歡聲歲旦時扶杖仰觀天有
喜上林春發萬年枝

和廣翁人日立春原韻

我方作宦羨公歸五載鞭春愧繡衣卻憶草堂題句日
半輪素月正流輝

附錄原詩

青春似客喜初歸笑引兒童舞綵衣十載離家人事

異今逢人日有光輝

文樹臣觀察遊鼎湖山用隨園詩韻成七古一章

屬和

庚午春孟遊天湖山花含笑山禽呼辛未秋遊更可喜
冒雨支筇十餘里陰晴態狀皆逢迎怪峯聳立誇亭亭
置身已在最高處放歌便續升天行初似蝸旋漸蟻曲
一路奇觀少重復同複子規聲裏萬松篁披拂雲煙皺新
綠雲煙圍繞逕轉小左顧右盼都了了忽然飛瀑作雷
鳴澎湃驚人怒如擣光搖銀海寒沁骨百丈琉璃顏色

退一步齋詩集卷七

四

好緩踏莓苔古剎來青蓮幾瓣湧層臺金塗塔上聽仄

鈴語日融風暖無囂埃老僧待客頗免俗伊蒲晨夕供
長齋前年我證菩提樹今年君又登山去遊蹤可惜不
同時讓君領畧林巒趣大教流通報佛恩聞香且醉木
犀魂青獅白象應相識還欲重敲不二門

崇受之權使

禮

編其令兄輔心員外

崇祐

養志書

屋遺詩屬題

次山風格義山辭鸞鶴丰神冰雪姿我亦春明倦遊客
不堪重讀玉泉詩

友愛君家有阿連親攜篋衍寶遺編從今一卷殘叢豪
傳徧炎荒萬里天

姚朶雲明府屬題其尊甫覺凡老人恭訓畫冊

平生多野性喜結水邊屋思之縈夢寐但覓畫圖讀姚
君善丹青下筆絕塵俗偶摹四時景裁作十二幅煙雲
胸中盤邱壑指頭縮展卷寄遐想一一堪品目早春桃
柳枝晴湖閒紅綠當暑荷芰涼北風散炎燠秋聲滿書
堂葉葉響梧竹老梅傲冬雪朶朶香可掬寫生窮造化
託興及行役扁舟盪小槳布帆快輕速纔動煙波趣又

退一步齋詩集卷七

五

唱關山曲馱鈴正郎當征途勞車軸有客騎疲驢何用
知非僕以上皆畫中景綴以君宦遊人簿領日徵逐乃能脫樊

籠不爲世拘束前身本倪黃千載繼高躅珍藏有令子
勝遺金與玉嗟我鮮寸長枝官竊顯祿頗愧馬服君父
書難飽腹萬卷收琳琅苦遭兵燹酷撫今復追昔坐對
百感觸安得買山錢攜圖訪巖谷

端陽書感

又泛蒲觴醉酒筵異鄉佳節恨繇繇榴花照眼紅如火
蕉葉抽心綠隱天自笑半生成債帥誰知五載近貪泉

中流輸與兒童樂，簫鼓喧闐競渡船。

放衙獨坐小窗西，一桁湘簾掩映低。書卷富於陽翟買，

官齋清到太常妻。焚香讀賦悲鸚鵡，伏櫪嘶風困駃騏。

爲語梁間雙燕道，年來休憶舊巢泥。

濟莘四姪攜新婦，自桂林來小住。兩朝赴羊城航，

海北上鄉試詩以送之。

去年汝來時，嶺梅開欲落。今年汝來時，池荷綻紅萼。歲

月何侵尋，又值暑雨作。博議初成篇，爲蘿喜有託。

姪新娶於

柳遠遊酬壯心，到處健行腳。憶我居京華，送汝赴沙漠。

退一步齋詩集卷七

六

一封曹邱書，相延蓮花幕。賓主稱賢嘉，綺年復入洛。翩

翩美書記，再踐津沽約。

姪久在成子鶴都轉幕

忽忽六七載，舟車

不停泊。東海渺一粟，西粵飛雙躡。桂林好山水，登涉窮

洞壑。我適官嶺西，良晤紓寂寞。新婦淑且賢，庭訓秉公

綽。釵裙荆布安，琴瑟室家樂。歸去侍親側，羞膳晨夕恪。

豈獨慰高堂，抑亦和宛若。汝無憂內顧，業勤學自博。秋

風動桂樹，天香散珠珞。努力青雲程，長空薦鵬鸞。

題襟館唱和集刊成讀蓮舟

道源蓮溪真然兩和

尚詩覺蔬笋之氣頗勝芻豢作一詩乞子箴兒

轉示兩蓮師子於兩蓮實未謀面留爲他日握
手緣也

我本癡人笑曹黠一任牛牟與駝圖身雖在家心出家

棒喝當空力頗偕忽聞磬聲清似水

本磬似水
荀子

此心活潑

屏埃坵青色黃頭太紛糾欲續元燈殊憂開卷朗吟

袖子句雙眸奚借金鏡刮世間口舌沓復歧常寂光中

慎窺察君詩如禪少綺語以我法證十得八淫魔交誼

野狐起孽鼓妖幢闕窟竅或圓或別或攻守室裏山外

逞刀鍛聾耳詎畏吼獅子俗音但解辨蝸蜚頭陀蒲團

退一步齋詩集卷七

七

怕習靜願輪莫縮三寸轄笋鞵棕笠恣遊覽筋力疲倦
髮未褐阿難座上誇神通傳唱夜叉徒碣磬抖擻毛孔
去蝨蟻開放眼界伏獮狻漫將砒硃混美玉休令惡蔡
厠瑞菝王老師爲鬼神鄙無術修行歎窮瞎土地祠前
跏拜虔香火安能救天札揚州從古繁華場十里珠簾
半騷殺法乳濃傾杜牧卮針鋒快比白公鍛涓滴水化
四天雨鏡光可磨塵垢拈消除繁華歸清淨蜀岡峩峩
波汎汎請師好着謝家屐

蓮舟俗
姓謝

登頓勿憂石徑滑腰

包漉囊多載筆寄我畫圖勞點刷東坡有願訪參寥篋

輿試聽聲伊軋天上花園在何處每讀袁文神韻韻

詩引袁簡齋先生

倉山頂上夢魂繞恨未掃門親膺搗

天上四花園記

者惟隨園曆嶺西淮南路迢遞懷哉為汝吟髭茁詩成

封寄阿兄知乞遺奚僮趨古剎

前詩成後再賦一絕贈之

讀君妙句傾三雅勞我何時訪二支好趁蛤蜊肥美候

相從南海問須彌

喜聞夏伯音通政同年典試粵東賦詩奉賀并寄

長樂初將軍黎召民觀察

退一步齋詩集卷七

八

昨日惠書勞問訊去年寄札竟浮沈

去冬寄通政書為海船漂失方再泐

函交猶子臻蔭帶京而通政亦

有書至兼索蔣選四六法海臨風快檢囊中橐近刻隨錄

擬即奉寄

話雨重彈海上琴八百孤寒齊引領七千里路有

知心簾前濫濫秋宵月得傍文星喜不禁

充提調今科再

京華舊侶久睽攜每認巢痕羨燕棲起草記曾同筆硯

飛花無那判雲泥人歸閩嶠身偏隱詞召客到壺園句

早題

將軍署新闕壺園

一語報君先笑煞窮官豪氣尙如蛻

到羊城聞兩主試度嶺有期再賦二截句

聽說星輅度嶺來江頭遙指片帆開故人六載相思久

索贈先詢驛使梅

偶然戲語問劉郎

謂樹君

難得同年聚一方

齊師與鼎卿樹君伯音皆

已酉同年

知否題餘佳節近要添韻事展重陽

和劉樹君同年監試秋闈卽事原韻

大戟長槍孰擅場墨池飛灑筆花香當頭明月疑懸鏡

入手奇文快引觴萬選錢中無蠟白九方臯在有驪黃

笑予曾織官坊錦囊裏繚綾久自藏

和周鼎卿主試闈中述懷原韻

喜拔茅茹叶彙征聲名當世羨馮京三秋秉節馳官驛

退一步齋詩集卷七

九

一路看山到穗城得意驪騮舒逸足乘時鷓鴣奮前程

憑君大啟珊瑚網收取南金貢 聖明

樺燭高燒四座春朱衣應有點頭人手持玉尺能量物

心證冰壺不受塵蘭芷色從堦下發芙蓉花向鏡中新

霏霏金粟溶溶月合認前身與後身

忝託蒼岑廿載前南天聚首倍歡然文章我愧方劉派

子與樹君謬有方割之目山斗人膽李郭仙五色絲抽園客繭七言

詩羨米家船今科詩題爲米元章望海樓句酉科從此添佳話豈止風

檐翰墨緣

嶺西久宦似家鄉五度看花種佛桑矜峽期君攜酒榼

粵閩事竣問君將假歸桂林馬臺有客領巖置調蔭渠同年求書扇愛風

盈袖子以素箑乞書鬪韻詩隨月過牆內簾開防嚴密詩筒往還均臻進供給時露對

涵次園太守遞進白雪陽春誰和得吟成巴曲未思量

和周鼎卿八月十三夜閱卷用東坡試院煎茶成

長句奉呈闈中諸君原韻

正歌伐木懷友生枝頭好鳥嚶其鳴翩然飛自上林樹

萬里頗覺雲程輕竭來東指使星二觀采風謠使者意

開窗親檢雪芽煎文心澆入珠江泉愛憎判別蠶與蜀

退一步齋詩集卷七

十

抽引冰絲如水玉得君佳句忘朝飢吟誦在口喜上眉

文章雖成門外漢詩筒酒盞欣追隨追隨請看天邊月

記取清光午夜時

讀鼎卿同年和稼亭庚午闈中感懷詩卽次元韻

贈稼亭

笛聲嗚咽感山陽猶記高樓夜月涼無復詩章追太白

庚午余提調粵闈監臨為李星衢中丞今子再來而中丞已下世久矣還欣樽酒共眞長

請樹君一枝桂發憑誰折兩度茶煎喚客嘗為語風流賢

宰道取材珍重海南香

長槐陰裏氣蕭森踏遍黃花一徑深清夜焚香多士誦

虛堂懸鏡使臣心

謂伯音鼎卿

牛刀魯邑堪輕試鳧鳥新州

喜再臨

君出關後仍同新興署任

我愧昌黎曾尉薦對君且作郢中

吟

伯音通政小極詩以訊之

報國一心赤憂時兩鬢蒼偶然成熱挂應不慣炎荒詩

酒神原王煙霞念且忘荀劉交誼重水藥細稱量

我亦中年近朝朝藥裹隨卦占朋合疾人覓翰林醫

鴻謂

舫

檐鵲聲傳喜河魚腹受欺爲君書七發剛好恣然時

退一步齋詩集卷七

十一

催詩歌

闡中諸君子各有詩章酬答惟伯音通政作未

嘗示人客訝之問方子曰通政豈不喜吟弄風

月耶方子曰唯唯否否通政性謙謹每下筆輒

不苟虛懷若谷不任能詩名得橐藏篋衍中不

輕出客姑竅之未幾客復問曰子令我竅通政

詩又數日矣仍未嘗示人或者官已高不屑與

噲等伍耶方子曰唯唯否否通政於古人愛東

坡東坡通判錢唐和歐陽文忠會老堂諸韻又

作催試官考較等詩宦途風雅千古罕偶吾儕
固不足東坡比然通政固今之試士歐陽文忠
也東坡詩云維時老宗伯氣壓羣兒凜文忠稱
賞不置曷嘗以宗伯薄視通判耶況春蠶聽食
葉之聲秋雁有傳書之足同年既占簪盞篇什
何礙關防客喚之慎勿以世俗之見疑通政也
客聞之笑曰子言如此吾何疑哉吾竦之不得
爰亟亟耳子盍爲一詩催之方子曰唯乃作催

詩歌

退一步齋詩集卷七

十一

一詩甫成一詩續來往詩筒如火速每從簾外聽鼓聲

剝啄敲門走銀鹿周君顧曲意氣豪劉君得句誇題餽

子尼

蔡苒溪

通脫孫楚

蔡苒溪

雅公餘各各揚風騷僕也狂奴

餘故態要以偏師當雄隊部婁百尺不知小妄擬攀躋

嵩華岱閉門且莫通寒溫萬卷文字精討論忽然好風

送一紙鯨魚碧海驚乾坤

周鼎卿太史先以書懷四律見示

尖叉學步

顏不赧延路鄙歌供笑莞三千風月翰林詞

謂周劉就樓三公就

中獨少司農撰

通政以戶部起家故戲及之

司農與我會同官輒紅

塵土開吟壇羣奴險韻鬪工麗

指樂初將軍唱和諸作

夜深燭地

更偏闌堂堂日月雙丸走燕雨嶺雲別離久君恩持
節司文衡天意聯鑣聚詞友詞友惜墨如南金成虧休
問昭文琴傾囊我已獻瓦礫擲管君未投璆琳座旁有
客催不已催我吟詩報夫子索句還如索債忙無臺可
避須料平理歌罷思將羯鼓拋淋漓巨筆生新花君卿
唇舌憑傳語詩成均託
次園轉送壁上多寵淺碧紗

樹君用東坡監試呈諸試官韻贈伯音通政屬予
同作兼呈鼎卿檢討

海中望朱崖一州如困廩今成大都會咸知國風稟

退一步齋詩集卷七

十三

維皇握乾符歷歲二百稔詩書布教化德食和亦飲
多士戰文藝滌墨去浮瀋使君秉衡鑑揆羅遍寒品栽
花羨桃李拾才辨桂荏我與兩使君相知最詳審夏鴻
負名譽文采本籍甚束躬寶圭璧撐腸豔繡錦穠粃目
前滿不容一粒礫頗聞挾策徒干進復矜礎周君乃賢
裔志道清且凜灑溪有真派月印水波滄飛鵝懷好音
相期食桑甚美哉作賦手能斂皇甫衽請君度金鍼接
物成光朕詩筒往而復得句必來諭醞釀儼醕酒烹煉
勝美飪祇慙任彥昇筆弱敢傾沈樺燭輝鴻篇清風動

燕寢萬卷文字奇梨棗待雕鏤我欲快先睹但恐舌本
噤臥看牛斗星光芒直射枕

在京師時夏伯晉同年以侯青甫先生

雲松所繪

蘭花扇子見贈匪匣中數年矣今歲癸酉伯晉
來典粵東鄉試濬師適奉檄再充提調舊雨重
逢歡喜無極爰裝潢成軸題詩四章攜赴闈內
乞諸君雅什亦他日一段翰墨緣也

幽蘭滿空谷葉葉含婀娜偶逢佳士來采采不盈把供
以碧玉罌風動枝欲彈案頭管城君煙墨日包裹拈毫

退一步齋詩集卷七

十四

展素筵摹繪花幾朵一芝秀於旁一石倚厥左色香具
生活蘅芷遜清雅瘦影愈淡孤高爲誰寫愛花對花
拜花若能語者難得同心人殷勤持贈我

夫君持贈意旁觀恐未知回頭語夫君聽我畢其辭金
陵歲已酉試期屢改移先公正秉鐸挂帆江之湄江干
卸行李訪友鍾山陸維時青甫翁品望舉世推文壇匹
劉應畫譜宗嵩熙慷慨金石交永與先公期翁也年八
旬杖履欣追隨襟坐水閣中出畫梅數枝柯幹傲冰雪
老筆何紛披先公鼓掌笑謂非翁所爲贗本河豚書翁

豈能吾欺翁乃大歎服服此眼力奇手裁側理紙頃刻
搆藻思一幅菡萏花紙上香風吹涉筆判同異二十八

字詩

涉筆何曾有異同虛名傳播愧衰翁請君不用
求真迹此本何如贗本工青翁爲先公題畫詩

高

懸四持軒先公寶惜如尊彝嗚呼未五載兵燹生瘡痍

捐身殉國難忠節翁無虧先公亦棄養風木增餘悲

平生富收藏刳灰靡子遺茲畫獨巋然疑有神護持尺

縑既足珍況又素箒貽夏荷與秋蘭雙璧千金宜

金璧未許易請各寶其寶芬芳慕沅澧裝題覓緗縹長

安一爲別塵俗太煩擾取置懷袖間鑪香尙嫋嫋余情

退一步齋詩集卷七

十五

忽感觸仙山望已杳披拂九畹秀姑負三春好君家老

黃公商嶺稱壽考逕欲往從之抽身苦不早

抽身向何處願買江南車長橋指利涉高臺詢雨花煙

水青濛濛六代銷繁華可憐鼙鼓聲動地頻咨嗟白門

好垂楊無復藏寒鴉昔日衆香國彌望皆蓬麻空留扇

頭景枝葉看橫斜持扇發長歎製作工仰家回憶卷舒

時風日堪輕遮入手拜君惠愧乏詞吐葩君來主文試

張網珊瑚誇相期海上琴宮徵辨伯牙階砌芝蘭馨珍

重培新芽

古劍行爲高要梁鈺卿

錦瑛作

梁君有膽剛且方手持一劍明秋霜自言乃祖從軍所
佩帶金川萬里威戎行傳之子孫爲世寶滇池黔嶺又
復殺賊安邊疆功成歸來裹靺鞨匣斂芙蓉伴短榻夜
深月黑燭光炮尙有冷風助蕭颯風蕭颯星鐔橫二百
餘載四海清主人驅犢日逐山田畊不肯賣汝愛汝百
煉精忽爾跳梁小醜起西粵揭竿敢盜潢池兵羚羊雙
峽紛戰艇巨濤洶湧雷霆聲桑梓急難安忍但坐視大
呼奮請終軍纓高要黃令慶護名毅然拒賊嬰孤城城

退一步齋詩集卷七

十六

頭鼓角鳴鳴旌旗蔽空向東指十萬長蛇襍封豕令
君頗具彥暉忠誓與主人共生死主人怒賊裂目眦大
戟長槍間弓矢此時此劍聲價起青萍結綠安足比攜
我疥癬賓棄我毛錐子一戰焚餘腥再戰墮壁壘岸頭
碧血旣快飲天外雄心未容倚妖氛埽盡孤城完青龍
三尺腰際蟠不俟空負李廣勇長鋏羞學馮驩彈竭來
天雨甲兵洗英雄坐歎肉生髀摩挲舊物暗銷魂古錦
裁囊怕輕啟啟囊相示徵新詩主人深意誰能知恩讐
都付一樽酒鋒銳揮斷干根絲干將莫邪終恐遭缺折

縱使眉間尺在何所施丈夫報 國非草草不爲良相

爲良醫

梁君精岐黃術

閭閻沈痼賴手活以劍戡亂醫垂慈請

君休惜冶池寶采藥好取商山芝德行則福廢則覆太

公銘語眞吾師君不見王郎歌斫地磊落奇才難位置

又不見冰淵出枯蛟俗眼空傳光采異劍乎劍乎汝與

梁家本世緣莫隨寶硯化雲煙

梁君家藏水巖石已不存

么魔尙聚

鯨鯢窟期汝殲除大海邊

秋夜書懷

素蟾尙留影朝暾已東生二離送起伏歲序何崢嶸南

退一步齋詩集卷七

十七

方雖炎荒暑退秋氣清涼颺動高樹滿耳皆商聲薄宦

思故鄉悄然百慮縈擗管發長歎獨把壺觴傾

其二

心性本空闊喜對江湖迴好山排軒窗峯巒并秀挺清

香襲襟裾繞砌遍蘭蕙景物最堪憶遙指頂湖頂佳節

值重九登高酬酌手揖雲中君目極煙外艇良友胡

不來招之惠然肯

其三

門前古榕樹垂蔭五畝餘寒鴉結高巢飛鳴引其雛枝

頭刷新羽一抹斜陽鋪飲啄安且適那畏箐與筱秋燕
正如客日日雕梁居香風揭戶綺明月窺簾珠冷淡繁
華間所託原自殊

其四

推枕夜不寐挑燈理瑤瑟音調似太古欲鼓手拮拑一
絃復一柱華年孰相詰哀響感秋士蕭索環堵室莫喚
湘江靈雲和空抱剝

其五

杜門一無事三徑堆落葉西風樹頭過翩翩舞蝶蝶有

退一步齋詩集卷七

十八

客攜酒至乾響踏雙屨客至原不速開樽欣延接檐藤
低礙首籬菊笑迎靨衷曲各傾吐歡若填篋協興罷送
客去山色藍翠疊笑指終南峯此中路何捷

其六

煙雲在空際往來無馮藉妙手得真意筆墨與之化自
非山居久情景豈堪假竊願巖壑旁誅茆結廬舍老農
吾不如姑學樊遲稼良田二三頃躬畊具犁杷高田種
秫菽低田收秬稷租完吏罕到幸免官長罵身爲仕宦
局心早朱紫謝思之復思之峩冠何日卸

其七

蟋蟀咽白露張羽墜下鳴感彼淒切意觸我鄉關情鄉
關路迢遙十載會苦兵至竟田園荒浩劫紅羊驚王孫
未歸去恨無羽翼輕知否授衣時寒催刀尺聲

其八

頗意邊塞苦九月已霜雪孤鴻愁遠征百草半萎茶而
我居嶺外尙覺氣候熱南北隔道里寒暖實殊絕萬事
固若此俯仰順時節桃李含芳姿松菊標峻潔天地位
置奇不使巧勝拙彼哉夢夢徒猶說古槐穴

退一步齋詩集卷七

十九

其九

疎雨暗寒夜迅商成素秋遠砧響孤城近笛吹高樓起
視銀河明耿耿添煩憂四壁蟲唧唧一燈心悠悠呼童
問更漏酣睡方垂頭

題新羅山人嬰戲圖

華君筆墨世無偶抖擻精神寫黃口畫圖一卷罍嬰戲
爛漫天眞信吾友一兒能爲衆兒倡衆兒甘隨一兒走
中間一兒愛裝束意態飛揚兒不醜紅袍被其身烏帽
覆其首玉帶繫腰笏在手領下新添幾縷鬚可待佞人

來拂否列隊疑聞呵殿聲前驅旌纛花枝明相迎相送
擊村鼓或前或後鳴金鉦道旁拍掌吃吃笑且語忽然
遊龍天矯乘勢臨風行高舉龍頭掉龍尾老成誰屬難
呼名天機活潑具尺幅閒窗展玩真怡情吁嗟乎僧綽
鳳蜡鳳本王僧綽
事作僧虔非張湯鼠少小奇姿露眉宇若教繪入
丹青中定與諸童作伴侶有客生兒似阿侯身騎竹馬
髮彭彭莫嗤舐犢鍾情甚折齒曾傳孺子牛

文樹臣觀察屬題所藏宋曹武惠王刀久未報命

闡中公暇成長律三十韻

退一步齋詩集卷七

二十

愧乏文通筆閒吟武惠刀霜華寒射目雪刃利吹毛檢
點方開宋將軍首濟曹雲龍欣際遇甲馬著勤勞合陣
陳師旅連營擁節旄功勳西蜀始勝算北溝操地據長
江險山圍采石牢難從天塹渡頗厭敵兵囂巨浪催前
浦輕絲引小舸帆檣趨建業烽火靖亭臯縛許降王釋
官嗾使相叻託辭錢可得稱疾藥空熬臥榻無酣睡巖
城免繹騷斬鯨休退縮附鳳早翔翱昔自陳橋變相看
汴水滔騎驢來白髮逐鹿換黃袍之子籌能借昆吾櫛
不韜兩甄桴鼓動三戰短兵廬盾鼻箋堪奏矛頭米任

溘奇謀誇膽畧大勇豈膚撓賜劍同藏匣彎弓正解弢
圖書歸掌握杯酒付英豪舊物千年歷威名一代高那
知出珠海重復佩銀條銳氣騰雄虎銛鋒斷巨鼇曉星
清鑒影明月冷侵毫藉爾殲蛟窟憑誰認鷺膏摩挲心
倍壯感慨首頻搔報國期楨榦刀銘有君子佩
之爲國楨榦語刊銘
合建囊吳鉤珍重挂壁上有風濤

伯音通政放榜後作述懷詩索和卽步原韻兼以
送別

物望羣推著作曹囊中銀管喜親操冷官況味會同領

退一步齋詩集卷七

二十一

未座追陪竟再叨儒雅風流眞首選文章月旦獨心勞
廣陵地與金陵接歸路應思萬頃濤

自笑餐桃未得仙綏山空說住年年豈知五載風塵吏
仍結三秋翰墨緣荆璞含輝青眼識湘簾漾影碧波懸
中天夜靜星辰朗直射文光下海壖

更欣舊雨帥名邦緩帶輕裘叔子羊謂樂初
將軍我欲金蘭

圖雅集擬繪壺圖
雅集圖天教旗鼓振蠻方占爻快得同人卦

拔萃歡聯選佛場聞說彥冲班玉笋旁觀也覺喜洋洋
桃李當春化雨濡階前看取綠陰敷養成丹實剛三月

貢入金門比六瑚公等冰心期報 國友朋宦轍又分
塗順風吹動滇江櫂多少離情託酒壺

秋闈紀事聯句一百韻

鎖院掄才日

劉淮年

剛逢桂子秋菁莪多士誦

方濬師

檄檮聖朝收品概崇珪璧

劉

文章煥炳彪承

恩辭

北闕方盛會紀南陬星使龍爲節

劉

雲輶鹿挾輶

九

重窺

乙覽

方

萬里播辰猷典以觀光重

劉

賢期破格

求仙音饒鳳吹方喜氣溢鸞儔賦手推周謂劉英聲重

夏依稽帷晴旭麗方劍珮暗香浮裙屐層層擁劉襪衫

退一步齋詩集卷七

一二十二

濟濟稠兩行排檠戟

方

一路耀旌旂馬上新符授劉軍

中涅布禱

迎簾時沿途兵弁列隊

爐煙看縹緲

方

絃管叶歌謳上

敘入百尺龍門聳

劉

三年鴻爪留重重嚴鎖鑰方緩緩

奏笙篔接坐趨踰肅

劉

升堂揖讓周湘簾垂燕寢方經

界劃鴻溝頭想朱衣點

劉

心教白水侔安排珊網密方

徙倚綺窗幽上下牀原判

劉

東西屋不侑文光輝紫極

方冷色障青油好雨千峯洗

劉

祥雲五色流招邀鉛槧

士方停泊孝廉舟懷抱人人瑾

劉

篇章字字琤清秋吟

蟋蟀

方

美服笑蜉蝣出穎羣操筆

劉

于囊各裹餽千鈞

肩上擔方三尺手邊籌粵俗士子擔挑考籃衣包頭魚門外廳名接錢方許入場

貫循行入劉蜂窠取次投承筐嗤此際方負笈凜前修

小舍纔容却劉低檐怕打頭峩冠誰與挂方教職京

爽袋幸逃搜幕早迎門設劉燈防鑿壁偷致聲通姓

氏方俯首效痾僕吐鳳誇先哲劉聞雞動壯愁良材思

入設方雅謎正藏鉤情比魚麗罟劉形同鶻在鞞標題

分矮紙方假寐守寒篝鴛繡辛勤記劉蠶絲子細抽十

行雙管下方八韻五言優起草經追并劉添花錦似邱

天人三策對方晝夜六時誦以上叙應士子試舉子疇盧肇劉

退一步齋詩集卷七

中丞昔褚裒指揮及魯鈍方叱咤騁驊騮詞學唐燕許

劉勳華宋范歐飛鴉爭泮集方附驥每衣摳逕翦荒榛

盡劉風鳴畫角迢抱關驅醉尉方宿衛倩虞侯弊不留

織細劉威先怵逗遛鳩工咸感悅方蜚語息啁啾以上叙防

弊倚戶袍來鵠劉開門吏唱騶筒深籤剖竹方甍淨几

加鬆納卷勤收束劉鈔胥戒情媮丹黃清句讀方朱墨

競研鏐入室奎光聚劉挑燈月影度種蘭應刈艾方采

葛孰攀樛奇賞惟吾樂劉公明拔爾尤探驪珠易貢方

膠柱瑟難搗雪亮眸如洗劉雷同語必羞立言謝雕飾

方得意寶琳璆鶚向重霄薦劉麟從大野蒐由庚歌沆

灑方知己切綢繆元圃珍初現劉藍田價許售者番稱

玉筍方他日卜金甌以上叙收卷薦卷事蕊榜標龍虎劉芳名匹

鼎占藻隨鱸潑潑方萃聽鹿呦呦市駿誇真品劉牽羊

具束脩先生古鄒魯方弟子舊參由盪漿船橫漢劉攜

笙嶺陟緱羣材秀翹楚方大雅頌薪標燒尾排嘉宴劉

揚眉擲采毘堆盤肴并美方捧罍酒頻笏宮樣新披錦

劉寶筵互饋簞以上叙放榜筵宴諸事 幾人占喜鵲方老我等閒

鷗回憶三場靜劉都緣衆力勦環城森壁壘方貢院三面臨城

退一步齋詩集卷七 二十四

鍊鐵絡置筭水槽通外加以鐵網竿早巡風立劉院牆立竿懸燈符因調

水謀院內所用皆山水代飛觀燕雁方止步萃貔貅自笑軒乘

鶴劉每夜用輟輿巡察號舍左右多蒙策訪鰈分甘情款款方丞屢以

符諸委員安老意休休事越尋常局劉歡騰十四州食

因遑不暇方饑豈怒如調滌釜錫同滑劉操刀肉盡豚

今年士子盤殮奚寅璧方炭火正焚椒鷄鶩懲豪奪劉

芝蘭契唱酬那期青瑣客方齊鞞紫金鞦幸接同年語

劉渾消異地憂煎茶聲沸缶方琢句韻拈鬪遠借支機

石劉高登望海樓集應覓溫李方謂同考官姓好譜

方劉曠達坡仙笠劉寬和太傅裘二難心久折方七發

病能瘳伯音通政入關後小疾旋愈落墨揮蛇蚓劉書者甚夥冲霄

盼斗牛溼雲澄碧宇方皓魄朗晶瑩鴉陣催寒至今年

閏月重陽後便立冬虹霓吐氣道春官屬桃李方夏課辨薰蕕燕

市懷朋侶劉矜江愧管勾別情偏戀戀方歸興總悠悠

宦久無長技劉書多託遠郵吟成宵漏永方清景尙夷

猶劉

楊掌生學正客死連州屢欲奉輓搗管輒不能成

韻子箴兄自揚州寄詩哭之錄以見示語意真

退一步齋詩集卷七

一二十五

摯展讀令人淒惋昔李誠之歿二蘇并有輓詞

爰步子箴兄原韻得詩二首掌生有靈當亦知

吾兄弟交誼之篤也

鱣湍東望浪喧喧曾向河津鼓鬣來並世應劉都早死

謂君同鄉張丈南山及譚孝廉玉生諸君當年翁李最憐才君受知翁二銘相國李文園尙

書最深囊中書劍秋風冷笛裏家山暮雨哀獨把一樽歌

楚些淚痕和酒滴崧臺

羊城聚首二十日喜我弟兄聽雨來圖卷遲君題妙句

子繪聯牀話雨圖文章從此失奇才子雲有賦貧難逐

君許作詩未果

伯道無兒事更哀白鶴山頭仙侶在好攜丹藥上瓊臺

黃巽三暨其德配劉孺人五十晉一雙壽詰嗣孝

蘇詩 廉成采索詩

先生五十如韋史雅慕淵明松菊栽偕老詩賡君子德

登科人羨弟兄才萊衣戲綵依親舍桂蕊飄香進壽杯

手把靈芝乞甘露當筵看取九葩開

哭吳霍山侍郎用山谷老人司馬文正公輓詞四

首原韻

品望三朝著儒修十卷成公著拙修呂公鄭州老白傅

退一步齋詩集卷七

一二十六

海天行執簡能酬國藏書好鑿楹西風飄素旆蕭瑟

石頭城

聖母垂簾日頻屢訪落詩卿班三品擢壬戌公以太理卿內擢抵都即

蒙召對養心殿旋晉少可寇節操九重知帝眷超倫等臣心化

險夷殿前留疏稟主敬中興基

珠泗淵源杳誰將六義陳通經空漢宋遷善混參辰公究

心宋五子書而於漢學亦極精湛絕無門戶之見理析同功爾名徵獨角麟茫

茫尋墜緒公後更何人

官南趨侍久爲我屢開尊公酒量甚洪竟許絲蘿託多蒙藥

石言頻年隔嶺嶠灑淚望鄉園他日儒林傳應推劉士元

王補帆中丞寄示癸酉監臨閩闈卽事四律索和

依韻奉答兼以書懷

鎖闈襄事憶庚年庚午與公共事粵闈又值秋風八月天兩度提

衡嗤我拙一封奏議羨公先公有條陳科場積弊疏奇文到眼爭

欣賞良友論心締夙緣今科廣東典試為夏伯音通政曾上高樓望閩

海卿雲輝映斗牛邊

生平交誼擬羊求每向端州話福州擊鉢詩猶催下里

退一步齋詩集卷七

二十七

渡江人記倚中流指公從軍事雞蟲得失何勞詠蛤蚌鮮新

且笑留不是薦才心意切乘時桃李為誰收

蹤迹頻年類守株寒松偃蹇與雲俱歸裝早辦端溪石

官囊慚無合浦珠卷帙搜羅秦以下潛師藏書頗富衷懷坦率

古之愚江湖浩浩容歌嘯笑事千金覓一壺

皎皎名駒正食場繫維休說太踉蹌顏含對客誇三士

何武居官厚二唐敢向清時矜出處須知經濟勝文

章請公記取還山約好傍金焦築草堂公會與潛師約他日歸山作金

焦十日之聚

孫稼亭同年咸豐乙卯作宰陽城出都時同人爲
作燕臺錄別圖題詠殆徧同治癸酉稼亭權篆
新興出圖見示屬予補題留之案頭久未報命
甲戌新正八日有羊城之行在貝水舟中得二
律不勝撫今追昔之感云

金臺送別未題詩珠海披圖有所思一代才名都落拓
廿年朋輩久睽離商量過日惟吟管慷慨臨風仗酒卮
莫漫清貧怨泉水出山原似在山時

陽城陽朔羨飛鳧又握陽山赤緊符食邑名偏三地合

退一步齋詩集卷七

二十八

愛民心豈一官麤韶光似水懷人遠宦味如棊着子無
擬更乞君揮妙筆秋來爲我賦尊鱸

退一步齋詩集卷七終



